

UNIVERZITET U BIHAĆU

telefon/faks: +387 (0) 37 222-022
adresa: Kulina bana 2/2, 77000 Bihać
e-mail: rektorat@unbi.ba



UNIVERSITY OF BIHAĆ

phone/fax: +387 (0) 37 222-022
address: Kulina bana 2/2, 77000 Bihać
e-mail: rektorat@unbi.ba

UPRAVNI ODBOR

Broj: 01-890/09

Datum: 18.05.2009. godine

**Izvod iz Zapisnika
sa VII (sedme) sjednice Upravnog odbora Univerziteta u Bihaću
održane dana 16.05.2009. godine**

Prisutni:

1. Doc.dr. Ekrem Pehlić, predsjednik
2. Prof.dr. Osman Ramić, član
3. Prof.dr. Vildana Alibabić, član
4. Halid Velagić, dipl.pravnik, član
5. mr. Husein Murtić, član
6. Prof.dr. Nijaz Skender, član
7. Suad Mahmutović, prof., član
8. Doc.dr. Fadil Islamović, član
9. Prim.dr. Suad Gačo, član
10. Prof.dr. Zemira Delalić, prorektor za nastavu
11. Mehmed Duraković, dipl.pravnik
12. Izudin Saračević, dipl.politolog

Nisu prisutni:

1. Prof.dr. Isak Karabegović, rektor
2. Asija Cucak, dipl.pravnik, generalni sekretar

Dnevni red:

1. Usvajanje Izvoda iz Zapisnika sa VI (šeste) redovne sjednice Upravnog odbora Univerziteta u Bihaću održane 27.04.2009. godine i I (prve) vanredne sjednice Upravnog odbora Univerziteta u Bihaću održane 29.04.2009. godine.
2. Razmatranje i donošenje odluke o potpisniku:
 - a) Izvještaja o radu Univerziteta u Bihaću za 2008. godinu,
 - b) Finansijskog izvještaja Univerziteta u Bihaću za 2008. godinu.
3. Tekuća pitanja.

Predsjednik Upravnog odbora Univerziteta u Bihaću doc.dr. Ekrem Pehlić je pozdravio prisutne i predložio dnevni red uz dopunu tačke:

- Stanje na Univerzitetu – Rektoratu, koja će se raspravljati pod tačkom 3, a tekuća pitanja pod tačkom 4.

Ovakav dnevni red je jednoglasno usvojen.

Tok sjednice:

Ad. 1.

Izvod iz Zapisnika sa VI (šeste) sjednice Upravnog Univerziteta u Bihaću održane 27.04.2009. godine je jednoglasno usvojen uz primjedbe:

- da se provjeri glasanje o dozvoli izdavačke djelatnosti na Univerzitetu u Bihaću,
- u Izvodu iz Zapisnika pod tekućim pitanjima odvojiti alinejama predmete raspravljanja,
- član Upravnog odbora mr. Husein Murtić je napomenuo da nije blagovremeno obaviješten za vanrednu sjednicu, a doc.dr. Fadil Islamović je bio na službenom putu,
- Izvod iz Zapisnika sa I (prve) vanredne sjednice Upravnog odbora održane 29.04.2009. godine je jednoglasno usvojen bez primjedbi.

Ad. 2.

Uvodno vezano za ovu tačku dnevnog reda predsjednik Upravnog odbora je istakao da Izvještaji o kojima bi raspravljao Upravni odbor moraju biti s desne strane potpisani od ovlaštenog i odgovornog lica, a sa lijeve strane od obrađivača.

Prof.dr. Nijaz Skender pita da li je sa rektorom prof.dr. Isakom Karabegovićem obavljen razgovor o potpisu Izvještaja koji se nužno moraju analizirati.

Prof.dr. Vildana Alibabić da je dublja problematika u pitanju ako se osporava potpis rektora i predlaže da se od Vlade ponovo traži izjašnjavaње o nedavanju saglasnosti na izbor rektora.

Prof.dr. Zemira Delalić navodi da Izvještaj nije usvojen za 2007. godinu, a zašto bi bilo potrebno hitno usvajanje izvještaja za prošlu godinu.

Doc.dr. Fadil Islamović pojašnjava da je sadašnji Upravni odbor imenovan krajem 2008. godine. Pitanje Izvještaja nije ni naše ni v.d. rektora. Ako je programom rada Skupštine USK-a predviđeno za 2009. godinu razmatranje izvještaja on se mora usvojiti.

Predsjednik Upravnog odbora napominje da to treba provjeriti u Skupštini.

Suad Mahmutović predlaže da se od Vlade USK-a traži pismeno izjašnjavaње.

Prof.dr. Nijaz Skender podsjeća da je Univerzitet po Pravilniku obavezan dostaviti Izvještaje.

Prof.dr. Vildana Alibabić, Izvještaji se rade za školsku godinu.

Prof.dr. Osman Ramić ističe da mu nije upitno da li izvještaje treba razmatrati ali mu se čini da je nužno izjašnjavaње Vlade USK-a.

Usvojen je sljedeći:

ZAKLJUČAK

Vladi USK-a uputiti dopis i predložiti da Izvještaj o radu Univerziteta za 2008. godinu potpiše raniji rektor.

Ad. 3.

Predsjednik Upravnog odbora doc.dr. Ekrem Pehlić je u uvodu po ovoj tački dnevnog reda istakao:

Upravni odbor, u ovom sastavu, imenovao je vršioca dužnosti rektora 11.12.2008. godine, te u skladu sa Zakonom o ministarskim, vladinim i drugim imenovanjima u Federaciji BiH pokrenuo postupak za imenovanje rektora. Raspisan je konkurs, imenovana komisija, koja je po okončanju procedure predložila kandidata za rektora.

26.01.2009. godine Upravni odbor je donio Odluku o imenovanju rektora. Tačkom III ove odluke određeno je da ista stupa na snagu danom donošenja, a primjenjivati će se kada Vlada USK-a da svoju saglasnost – dakle, utvrđeno je stupanje na snagu, međutim nije se počela primjenjivati, jer nema saglasnosti Vlade.

Trenutno Univerzitet nema organ rukovođenja.

Odluka o imenovanju vršioca dužnosti je imala svoj rok trajanja i po isteku istog prestala je njena primjena, a nije počela primjena Odluke o imenovanju rektora, jer nema saglasnosti.

Nalazimo se u situaciji kada je dovedeno u pitanje i funkcionisanje Univerziteta. Iz razloga što Ministarstvo obrazovanja osporava potpis prof.dr. Isaka Karabegovića, kao lica koje rukovodi Univerzitetom, imali smo vanrednu sjednicu kako bi ovlastili prim.dr. Gaču za potpisnika, da zaposleni u Rektoratu ne bi osjetili posljedice ovog stanja i dobili svoje plaće kada i drugi korisnici budžeta.

Želim napomenuti da se Zakon o ministarskim, vladinim i drugim imenovanjima u Federaciji BiH primjenjuje i na Univerzitet, jer je istim uređeno slijedeće:

- Član 1. stav 2. “Ovaj zakon se primjenjuje na istim nivoima vlasti u F BiH, uključujući kantone, općine i gradove”.
- Član 1. stav 2. tačka 1.5 podtačke (i) i (iii).
- U završnim odredbama u članu 18. stav 1. određeno je između ostalog i slijedeće: “Ovaj zakon će se čitati zajedno sa i kao dopuna postojećim zakonima, uredbama i pravilima, odnosno propisima Federacije odnosno BiH i osim ako ti zakoni, pravila i uredbi nisu u suprotnosti s odredbama ovog zakona.”

“Konačno imenovanje” je konačni čin potvrđivanja imenovanja koje vrši lice ili organ (u ovom slučaju Vlada) u regulirani organ (dakle u Univerzitet – Rektorat), nakon što je ispoštovan postupak izbora.

Mi konačnog imenovanja nemamo od 26.01.2009. godine.

I ovaj Upravni odbor, kao najviši organ upravljanja Univerziteta ima odgovornost. Ne možemo dopustiti da Univerzitet nema lice koje rukovodi. Na imenovanje prof.dr. Isaka Karabegovića nema saglasnosti, Ministarstvo ne prizna njegov potpis kao ovlaštenog potpisnika.

Obzirom na sve naprijed navedeno predlažem:

- Da donesemo slijedeće Odluke:
 1. O stavljanju van snage Odluke o imenovanju Rektora Univerziteta u Bihaću.
 2. Odluka o imenovanju v.d. Rektora Univerziteta u Bihaću.
 3. Odluka o raspisivanju Javnog konkursa za izbor i imenovanje Rektora.

Prof.dr. Vildana Alibabić, uputiti dopis Vladi USK-a s pitanjem šta je sa saglasnošću.

Prof.dr. Nijaz Skender, neprimjereno je da Upravni odbor mora ovlašćivati drugog potpisnika. Šta je sa potpisom na Odluke Univerzitetskog nastavno-naučnog vijeća, diplome i drugo. Na Univerzitetu je zaustavljeno izdavanje udžbenika.

Prof.dr. Zemira Delalić, u toku sam rada Univerzitetskog nastavno-naučnog vijeća, izbori su tekli i svi procesi su se odvijali. Saglasnosti su izostajali i drugim fakultetima, Ekonomskom, Biotehničkom. Izdavanje knjiga će ići na sljedećoj sjednici Univerzitetskog nastavno-naučnog vijeća. Doc.dr. Fadil Islamović, već viđeno na području naše države. Upravni odbor ne snosi nikakve odgovornosti za stanje na Univerzitetu. Vlada USK-a mora dati ili odbiti saglasnost na izbor. Ako se pismeno očituju možemo se odmah sastati.

Predsjednik Upravnog odbora, istaknu da smo imenovali v.d. na dva mjeseca. Na odluku o izboru i imenovanju rektora pet mjeseci nije data saglasnost. Nema komunikacije između rektora i predsjednika.

Prof.dr. Zemira Delalić, dodaje da ova tačka nije pripremljena i tražim da se skine sa dnevnog reda.

Prof.dr. Osman Ramić, ja moram reći da mi je izvjesno ohrabrenje o poslovima koji se obavljaju na nivou Univerzitetskog nastavno-naučnog vijeća. Ovu tačku treba pripremiti. Otvoren sam, mi danas trebamo smijeniti onog ko nije ni postavljen. Smiješno je kako govorimo da mo za Univerzitet a radimo suprotno. Podržavam upit Vladi USK-a da se očituje, a nešto tako predlaže i Vildana.

Suad Mahmutović predlaže da se o ovom izjasne naši pravnici.

Halid Velagić je dao neka pojašnjenja. Imamo situaciju da saglasnosti nema, Odluka Upravnog odbora je nevažeća. Predložio je kompromis: slažem se da predsjednik Upravnog odbora i prof.dr. Osman Ramić usmeno razgovaraju sa Vladom USK-a.

Predsjednik Upravnog odbora je pojasnio da se danas pitanje rukovođenja Univerzitetom mora razriješiti.

Predložio je da se Odluka o izboru rektora prof.dr. Isaka Karabegovića broj 01-118/09 od 26.01.2009. godine stavi van snage jer na istu nije dobivena saglasnost Vlade USK-a. Za ovu odluku je glasalo za šest članova Upravnog odbora. Protiv ove odluke su bila tri člana. O prijedlogu da se uputi Vladi USK-a dopis i zatraži urgentno izjašnjenje po ovom nije bilo potrebe glasati jer je donesenom odlukom ovo pitanje riješeno.

Za imenovanje v.d. rektora, Suad Mahmutović, prof. je predložio prof.dr. Muju Demirovića.

Sedam članova Upravnog odbora je glasalo za imenovanje v.d. rektora prof.dr. Muje Demirovića.

Dva člana Upravnog odbora su bila suzdržana.

Sjednicu su napustili prof.dr. Zemira Delalić, prorektor za nastavu i prof.dr. Vildana Alibabić, član Upravnog odbora.

Odluka o raspisivanju konkursa za izbor Rektora Univerziteta u Bihaću je donesena sa sedam glasova za, a jedan glas je bio suzdržan.

Ad. 4.

Zahtjev za prenos sredstava sa Rektorata na Biotehnički fakultet je razmatran, ali je odluka o tome odgođena do naredne sjednice Upravnog odbora.

Zapisnik sačinio:
Mehmed Duraković, dipl.pravnik

Predsjednik Upravnog odbora:
Doc.dr. Ekrem Pehlić